

Na osnovu člana 11. Odluke o kriterijima, načinu i postupku raspodjele sredstava iz granta za projekte mladih koji se finansiraju i sufinansiraju sredstvima budžeta Općine Hadžići broj: 11-11-8-5840/22 od 15.06.2022. godine, te na osnovu prijedloga Komisije za odabir projekata za finansiranje i sufinansiranje iz sredstava budžeta Općine Hadžići, načelnik Općine Hadžići, donosi

## ODLUKU

### O RASPODJELI SREDSTAVA ZA PROJEKTE MLADIH IZ BUDŽETA OPĆINE HADŽIĆI ZA 2022. GODINU

#### Član 1.

U skladu sa prijedlogom Komisije za odabir projekata za finansiranje i sufinansiranje iz sredstava budžeta Općine Hadžići, planirana sredstva u budžetu Općine Hadžići u iznosu od 35.000,00 KM za projekte mladih raspodjeljuju se kako slijedi:

| R/B<br>R | APLIKANT                           | NAZIV PROJEKTA                                                                          | IZNOS    |
|----------|------------------------------------|-----------------------------------------------------------------------------------------|----------|
| 1        | KUD "IGMAN" HADŽIĆI                | "Izrada nošnji za koreografiju – igre iz doline Neretve"                                | 2.000,00 |
| 2        | TAEKWONDO KLUB "ISKRA"             | "U učenju i sportu se nalazi budućnost mladih"                                          | 2.000,00 |
| 3        | FK "RADNIK" Hadžići                | 12. memorijalni nogometni turnir "Mirza Bašić"                                          | 1.000,00 |
| 4        | UDRUŽENJE 9.BB Hadžići             | "Mladi stazama ratnog puta"                                                             | 700,00   |
| 5        | SPORTSKO UDRUŽENJE FUTURO          | Futuro KIDS KUP – Malonogometni turnir                                                  | 2.100,00 |
| 6        | TAEKWONDO KLUB CENTAR HADŽIĆI      | 11. tradicionalno međunarodno taekwondo prvenstvo – Prijatelji Hadžića                  | 2.100,00 |
| 7        | KUD "BJELAŠNICA" PAZARIĆ           | Nabavka dijelova muslimanskih nošnji i majica sa obilježjem društva i općine            | 2.000,00 |
| 8        | KUD "IGMAN" – Neformalna grupa     | "Uloga mladih na zaštiti i dobrobiti životinja"                                         | 2.000,00 |
| 9        | ŠF "LA PAZ" PAZARIĆ                | "Odaberi fudbal kao sport"                                                              | 1.300,00 |
| 10       | UDRUŽENJE PČELARA "KOŠČAN" HADŽIĆI | "Pčelarstvo kao moguća profesija mladih"                                                | 700,00   |
| 11       | JU SŠC HADŽIĆI                     | "Unapređenje mentalnog i fizičkog zdravlja učenika kroz sportsko-edukativne aktivnosti" | 2.000,00 |
| 12       | LT "SPORT" Hadžići                 | "Zdrav pokret"                                                                          | 1.200,00 |

|    |                                                      |                                                                                                           |          |
|----|------------------------------------------------------|-----------------------------------------------------------------------------------------------------------|----------|
| 13 | UDRUŽENJE ZA KULTURU<br>"SARA"                       | "Jačamo potencijal i prisutnost mladih u općini Hadžići"                                                  | 1.000,00 |
| 14 | KUD "MLADI METALAC"                                  | "Škola folkloru za djecu i omladinu"                                                                      | 1.600,00 |
| 15 | PSD "PAZARIĆ"                                        | "Osnovna škola planinarstva"                                                                              | 2.100,00 |
| 16 | PSD "BREZOVAČA"                                      | "Turnir u odbojci za mlade"                                                                               | 1.000,00 |
| 17 | UDRUŽENJE INVALIDNIH I BOLESNIH OSOBA "RUKA PODRŠKE" | "Kad hadžićka umjetnost progovori jezikom inkluzije"                                                      | 2.800,00 |
| 18 | USK "IGMAN"                                          | "Škola streljaštva"                                                                                       | 2.000,00 |
| 19 | KARATE KLUB "HADŽIĆI"                                | "Karate sport u funkciji suzbijanja maloljetničke delikvencije na području općine Hadžići u 2022. godini" | 1.300,00 |
| 20 | UKBS "KIKBOXING POLICE ACADEMY" Hadžići              | "Škola kick boxa u prirodi za djecu sa posebnim potrebama, djevojčice i dječake"                          | 1.600,00 |
| 21 | JU KSIRC HADŽIĆI                                     | Edukacija mladih kroz Centar za mlade K-HUB                                                               | 2.500,00 |

**UKUPNO: 35.000,00 KM**

#### Član 2.

Sredstva iz člana 1. ove Odluke dodjeljivati će se aplikantima na način koji će biti preciziran ugovorom, koji će se zaključiti sa svakim aplikantom pojedinačno. Ugovor će sadržavati prava, obaveze i odgovornosti, način praćenja provođenja odobrenog projekta, način praćenja namjenskog trošenja sredstava, te elemente narativnog i finansijskog izvještaja o provođenju projekta.

#### Član 3.

Služba za privredu, finansije i inspekcijnski nadzor će sredstva iz člana 1. Ove Odluke nakon potpisivanja ugovora, jednokratno ili u ratama, u skladu sa prilivom budžetskih sredstava Općine Hadžići doznavačavati aplikantima u skladu sa projektnim prijedlozima.

#### Član 4.

Aplikanti čiji projekti nisu podržani – Udruženje „Ruka podrške“- Obilježavanje 3. decembra, UKBS „Kikboxing police academy“ – Neformalna grupa, te ATBV „Defendo“ imaju pravo

prigovora Općinskom načelniku u roku od osam dana od dana objave na oglasnoj tabli i službenoj web-stranici Općine.

#### Član 5.

Ova odluka stupa na snagu danom donošenja, a objavit će se na oglasnoj tabli i službenoj web-stranici Općine.

### O b r a z l o ž e n j e

Dana 23.06.2022. godine objavljeno je Javni poziv za raspodjelu sredstava iz Budžeta Općine Hadžići za finansiranje i sufinansiranje projekata mladih u 2022. godini broj: 11-11-8-5840-2/22, a na osnovu Odluke o kriterijima, načinu i postupku raspodjele sredstava iz granta za projekte mladih koji se finansiraju i sufinansiraju sredstvima budžeta Općine Hadžići broj: 11-11-8-5840/22 od 15.06.2022. godine. Javnim pozivom su precizirani pozitivni i eliminatorni kriteriji, na osnovu kojih je Komisija za odabir projekata za finansiranje i sufinansiranje iz sredstava budžeta Općine Hadžići izvršila bodovanje skalom od 1 do 5 po svakom od pozitivnih kriterija. Nakon što je Komisija za odabir projekata za finansiranje i sufinansiranje iz sredstava budžeta Općine Hadžići izvršila otvaranje pristiglih aplikacija i provjeru da li su zadovoljeni eliminatorni kriteriji, pristupilo se ocjenjivanju pristiglih prijedloga. Na osnovu bodova ostvarenih ocjenjivanjem svakog člana Komisije pojedinačno, zaključeno je da su od pristigle 24 prijave, 21 je zadovoljila kriterije. S obzirom da je ukupno bilo moguće osvojiti 250 bodova, ocijenjeno je da se sredstva dodijele onim aplikantima čiji su projekti osvojili preko 50% mogućih bodova (125 bodova i više), te je ukupno podržan 21 projekat.

Broj: 11-11-8-5840-3/22

Hadžići, 20.07.2022. godine



Hamdo Ejubović dipl.ing maš